

'ի կոտանդինուսօլիս, խալառ զրկել զՀայս 'ի ժառանգութենէ Ս . Տեղեաց, ամբաստան լեալ 'ի Դուռն առին հրովարտակ 'ի Սուլթան Սէլիմ երրորդէ հակառակ Հայոց \1\17, որպէս թէ՛ Հայք տիրել կամեցեալ են տեղեաց և ժառանգութեանց նոցին, և և առանց հրամանի կախեալ կանթեղս : Եւ յետ այնորիկ համարձակութիւն գտեալ ձըգեցին 'ի կողմն իւրեանց զմեծամեծս Դրան, և սկսան որոնել զարձանագրութիւնս հին հրովարտակացն Հայոց : Իմացեալ զխորամանկութիւնն Յունաց Չէլէպի քէօսէ քեահեայ Բէիզ էֆէնտի, ազգ արար լուելեայն բարեկամին իւրոյ հայկազն Սիւրենեան Մուրատ ամիրայի, ունել 'ի պատրաստի զհին և զհաստատուն հրովարտակս, որ և նա ծանոյց փոխանորդ Յակոբ եպիսկոպոսին, և անտի յերուսաղէմ : Իսկ միաբանք Հայոց խաբեալ 'ի խորամանկութենէ Յունաց, ընկերացեալ էին նոցա հաւատար վճարել զքաղաքական տուրս և զայլ տուգանս . այլ 'ի հասանիլ գրոց փոխանորդին և այլոց 'ի կայսերանխառ քաղաքէ, զարթեան 'ի թմբութենէ որպէս 'ի քնոյ : Յոյնք որ պահեալ էին ըզհրովարտակն զայն, 'ի սոյն աւուրս կոչեցին զգարապետն դատարանի՝ Էտուն նմա արձանագրել զնա անդ 'ի տումարի : Իսկ այրն գողով բարեկամ Հայոց, հանեալ զուտոճէն նորին կնքով դատաւորին՝ եբեր առ Պատրիարքն Հայոց, և նոցա ընթերցեալ, ծանեան զթակարթն, զի զիտաւորութիւն Յունաց ոչ միայն արտաքսել էր զՀայս 'ի Ս . Տեղեաց, այլ նաեւ յափշտակել 'ի ձեռաց նոցա զսեփհական վանորայս, զՍ . Յակոբ և զայլս :

Թէոզորոս Պատրիարք 'ի լինել վիճին ընդ Յունաց սակս երից կանթեղաց, յառաջագոյն տուեալ էր նորոգել զհրովարտակն Ս . Աստուածածնի, որ 'ի սոյն ժամանակի յետս պահանջէր զայն Բէիզ էֆէնտին : Զայն իմացեալ Յունաց առին և նոքանոր հրովարտակ 'ի Սուլթան Մուստաֆայէ \1\18, յորում Յունաց սեփհականէ Արքայն ըզբողանդակ Ս . Տեղիս, և զհրովարտակս Հայոց խափանեալ, Յոյնք ետուն ջնջել 'ի դիւանաց զարձանագրութիւնս Հայոց, և և ինքեանց սեփհական համարէին զգերեզմանն Ս . Աստուածածնի և զեկեղեցին Բեթղեհէմի հանդերձ բանալեօք, և Հայք իրբեւ հպատակ անբութեան՝ զնասցեն